

Na osnovu članova 10 i 18. Zakona o udruženjima i fondacijama Bosne i Hercegovine ("Službeni list FBiH", broj 45/02), Osnivačka skupština Udruženja košarkaških sudija i komesara (u daljem tekstu: Udruženje),na sjednici dana 27.11.2018. godine u Sarajevu, donosi:

STATUT UDRUŽENJA KOŠARKAŠKIH SUDIJA I KOMESARA

OPŠTE ODREDBE

Član 1.

Ovim Statutom u skladu sa članom 14. Zakona o udruženjima i fondacijama Federacije Bosne i Hercegovine (daljem tekstu: Zakon) uređuju se:

- naziv i sjedište udruženja;
- ciljeve i djelatnost udruženja;
- zastupanje i predstavljanje udruženja;
- organe udruženja, njihove ovlasti, način imenovanja i opoziva, trajanje mandata, kvorum i pravila glasanja, uključujući i pitanja o kojima se odlučuje kvalificiranom većinom, funkciju lica ovlaštenog da saziva skupštinu;
- oblik i sadržaj pečata udruženja;
- oblik i sadržaj znaka ako udruženje odluči da ima znak;
- sticanje i raspolaganje imovinom;
- način donošenja finansijskog izvještaja i izvještaja o radu;
- postupak za donošenje statuta, izmjena i dopuna statuta i drugih općih akata udruženja;
- uvjete i način učlanjenja, prestanak članstva, kao i prava, dužnosti i odgovornost članova udruženja;
- uvjete i postupak za pripajanje, razdvajanje, transformaciju ili prestanak rada udruženja;
- pravila za raspodjelu preostale imovine u slučaju prestanka rada udruženja.
- ostala pitanja u vezi sa radom i djelovanjem Udruženja u skladu sa Zakonom i ovim Statutom.

Član 2.

Udruženje košarkaških sudija i komesara (u daljem tekstu: Udruženje) je sportska asocijacija/udruženje košarkaških komesara, sudija i pomoćnih sudija čije se sjedište nalazi na području Kantona Sarajevo sa ciljem da unapređuju i razvijaju košarkaski sport.

Udruženje je neprofitna , vanstranačka i nepolitička organizacija.

Udruženje ne dopušta rasnu, nacionalnu, vjersku i političku diskriminaciju, te kršenje sloboda i prava čovjeka i građanina.

Udruženje će u budućem radu shodno čl . 41 Statuta Košarkaškog saveza Kantona Sarajevo(u daljem tekstu: KSKS) , nastojati ići prema članstvu u KSKS gdje će ga predstavljati predsjednik Udruženja košarkaških sudija i komesara.

Osnovno načelo djelovanja Udruženja je dogovaranje i sporazumijevanje, zasnovano na principima međusobnog uvažavanja, samostalnosti u opredjeljenju u vezi sa donošenjem pojedinih odluka, te sa pravom na izdvojeno mišljenje i potpunu slobodu izražavanja istog.

II NAZIV, SJEDIŠTE I PODRUČJE DJELOVANJA UDRUŽENJA

Član 3.

Naziv Udruženja glasi:

"Udruženje košarkaških sudija i komesara"

Skraćeni naziv je: UKSK.

Udruženje može promijeniti naziv i sjedište Udruženja, o čemu odlučuje Skupština Udruženja (u daljem tekstu: Skupština), u skladu sa Zakonom i ovim Statutom.

Član 4.

Danom upisa u Registar udruženja kod nadležnog ministarstva, Udruženje stiče svojstvo pravnog lica, sa pravima, obavezama i odgovonostima u skladu sa Zakonom i ovim Statutom.

Član 5.

Udruženje djeluje na području Kantona Sarajevo.

Član 6.

Sjedište Udruženja je u Sarajevu, ulica Bardakčije 31.

III- CILJEVI I DJELATNOSTI UDRUŽENJA

Član 7.

Ciljevi Udruženja su:

- **podsticanje rada i djelovanja košarkaških sudija i komesara članova Udruženja;**
- **podsticanje i razvoj košarkaškog sporta na području Kantona Sarajevo i šire;**
- **usklađivanje i koordiniranje rada članova Udruženja;**
- **zalaganje za edukaciju članova Udruženja;**
- **sportska saradnja sa sličnim udruženjima ;**
- **obezbjeđivanje zaštite članova Udruženja;**
- **saradnja sa odgovarajućim državnim, društvenim, naučnim i stručnim organizacijama i drugim organizacijama, organima i tijelima na realizaciji zadataka od zajedničkog interesa.**

Djelatnosti Udruženja su:

- **praćenje i usklađivanje kalendara košarkaških takmičenja na području Kantona Sarajevo;**
- **usavršavanje košarkaških sudija i pomoćnih košarkaških sudija;**
- **zalaganje za utvrđivanje i usavršavanje sistema obrazovanja i usavršavanja stručnih kadrova u košarkaškom sportu;**
- **da unaprijedi i razvija odnose u košarkaškim organizacijama;**
- **da problematizira statusna pitanja košarkaških sudija i pomoćnih sudija i košarkaških stručnjaka i predlaže načine njihovog rješavanja;**
- **da na demokratskim principima obezbjedi formiranje upravnih organa; informativno obrazovna djelatnost i popularizacija putem sredstava komunikacije;**
- **organizovanje i provođenje sportskog marketinga, seminara i programa dopunskih djelatnosti, u skladu sa propisima.**

U okviru Udruženja mogu se utvrđivati i drugi zajednički ciljevi poslovi i zadaci za čije se ostvarivanje iskaže interes udruženih klubova.

Član 8.

Udruženje svojim djelovanjem, suđenjem i edukacijom udruženih članova, unaprijeđuje košarku u cjelini. Udruženje kontinuirano širi i razvija prijateljske odnose sa drugim kantonalnim sudijskim Udruženjima na području Kantona Sarajevo, FBiH, BiH i šire, usko saraduje sa KSKS i preko svog matičnog saveza sa Košarkaškim savezom Bosne i Hercegovine. Organi Udruženja kontrolišu poštivanje primjene pravila košarkaške igre koje je donijela Međunarodna košarkaška federacija :

- **sprječava nepravilnosti u djelatnostima kojim se bavi,**
- **sprječava vjersku , rasnu i političku diskriminaciju;**
- **štiti interese članova Udruženja;**
- **omogućava svim članovima Udruženja jednak tretman u suđenju;**
- **omogućava svim članovima Udruženja da biraju i da budu birani u organe Udruženja;**
- **vodi računa i to mu je cilj da se angažman članova u funkcijama svodi samo na jednu.**

Član 9.

Osnovni programski zadaci i poslovi koji proizilaze iz ciljeva i djelatnosti su:

- **uspostavljanje i organizacija sistema rada košarkaških sudija, pomoćnih sudija i komesara na nivou Kantona**
- **utvrđivanje stavova, prijedloga i inicijativa u vezi sa donošenjem i ostvarivanjem planova društveno-ekonomskog razvoja košarkaškog sporta na području Kantona Sarajevo;**
- **realizacija zakonom utvrđenog javnog interesa u sportu u segmentu košarke kroz: planiranje razvojnih potreba košarkaških sudija, pomoćnih sudija i komesara, sportskih aktivnosti,**
- **programiranje razvoja i usavršavanje košarkaških sudija, pomoćnih sudija i komesara na nivou Kantona,**
- **organizovanje, praćenja i vrednovanja fizičkih sposobnosti košarkaških sudija i pomoćnih sudija kao i preduzimanje mjera za njihov razvoj i unapređivanje,**
- **zalaganje za učešće u donošenju normativa i standarda na osnovu kojih Ministarstvo kulture i sporta Kantona Sarajevo finansira dio javnog interesa u sportu putem Saveza,**

- zalaganje za učešće u utvrđivanju prijedloga za raspodjelu sredstava iz prihoda Kantona, Grada i Opština za finansiranje programa u košarkaškom sportu kojima se ostvaruje javni interes u sportu,
- utvrđivanje stavova i prijedloga od interesa za organizaciju sistema takmičenja na nivou Kantona Sarajevo i predstavljanje i zastupanje tih stavova i prijedloga pred Košarakaskim savezom BIH i drugim košarkaškim asocijacijama u BIH,
- stručno informisanje i osposobljavanje stručnog kadra za efikasnije provođenje djelatnosti,
- organizovanje košarkaških sportskih priredbi i manifestacija,
- utvrđivanje kriterija i mjerila za finansiranje programskih aktivnosti iz sredstava koja Udruženje obezbjedi putem marketinga, prikupljenih donacija, kotizacija, priloga i samofinansiranja učesnika,
- izvršavanja usluga za organizacije u košarkaškom sportu (administrativno-tehničke usluge, računovodstveni poslovi, pravni poslovi i sl.),
- utvrđivanje kriterija i dodjela priznanja i nagrada za ostvarene rezultate u košarci na području Kantona na događajima gdje je Udruženje organizator,
- udruženje vrši i druge poslove i zadatke u skladu sa Statutom i zakonom.

ČLANSTVO UDRUŽENJA

Član 10.

Udruženje čine sudije, pomoćne sudije i komesari koji djeluju u ostvarivanju interesa za potrebe košarke na području Kantona Sarajevo.

Članstvo u Udruženju je dobrovoljno

Počasni članovi se imenuju prema odluci Skupštine, a na prijedlog Upravnog odbora.

Član 11.

Udruženje sačinjavaju sve košarkaške sudije, pomoćne sudije i komesari, a članom se smatraju svi oni koji su redovni članovi, koji su izmirili svoje finansijske obaveze prema Udruženju i koji su položili test o poznavanju pravila i rada košarkaške igre.

PRAVA I DUŽNOSTI ČLANOVA

Član 12.

Prava članova:

- da sudjeluju u radu Udruženja;
- da bira i da bude biran u organe Udruženja;
- da bude upoznat sa radom svih organa Udruženja;
- da daje primjedbe na rad organa Udruženja i da daje prijedloge;
- da sudjeluje na predavanjima, seminarima, svjetovanjima i drugim stručnim skupovima.

Član 13.

Dužnosti članova:

- da sudjeluje u radu Udruženja;
- da sprovodi odluke i zaključke organa Udruženja;
- da surađuje sa drugim članovima Udruženja radi ostvarivanja ciljeva Udruženja;
- da redovno plaća članarinu (koju definiše Skupština);
- da gradi ugled Udruženja;
- da se zalaže za očuvanje digniteta sudija i da se pridržava sudijske etike i etike komesara;
- da se pridržavaju Statuta i drugih akata Udruženja.

Član 14.

Članstvo u Udruženju prestaje:

- svojevolumnim istupanjem;
- smrću;
- isključenjem zbog nepoštivanja kodeksa sudijske etike i etike komesara;
- neplaćanjem polugodišnje članarine.

Odluku o isključenju donosi Upravni odbor.

Protiv odluke o isključenju dozvoljena je žalba u roku od 15 dana Skupštini Udruženja, čija je odluka konačna.

ORGANI UDRUŽENJA

Član 15.

Organi Udruženja su:

- 1. Skupština;**
- 2. Upravni odbor košarkaških sudija i komesara(u daljnjem tekstu: Upravni odbor);**

Udruženje može formirati stalne komisije.

Član 16.

Članovi organa biraju se na 2 (dvije) godine uz mogućnost ponovnog izbora ako povjerene funkcije obavljaju stručno, kvalitetno i moralno, a budu izabrani na Statutom propisan način. Član organa Udruženja koji je izabran može biti i opozvan i prije isteka mandata od strane Upravnog odbora Udruženja, ukoliko je njegov rad opstruktivan i nije u interesu Udruženja , a isto tako izabrani član u organima Udruženja može i sam podnijeti ostavku. Opozivom ili prihvatanjem ostavke, članu prestaje članstvo u organima Udruženja.

SKUPŠTINA UDRUŽENJA

Član 17.

Organ upravljanja Udruženja je Skupština. Skupština je vrhovno tijelo Udruženja koju sačinjavaju delegati izabrani od svih članova Udruženja.

Svi delegati imaju pravo glasa. Ukupan broj delegate u Skupštini je 27, ako drugačije nije definisano statutaranom odlukom za izbor članova.

Izbor delegate za članove Skupštine definisana je statutaranom odlukom za izbor članova.

Član 18.

Skupština može biti redovna i vanredna.

Redovnu Skupštinu saziva predsjednik Skupštine, a na prijedlog Upravnog odbora Udruženja, najmanje 30 (trideset) dana prije termina određenog za

održavanja sjednice, tako da je materijale neophodno dostaviti petnaest dana prije održavanja sjednice Skupštine.

Sjednica Skupštine se obavezno održava dvaput godišnje, a na istoj se vrši analiza rada Upravnog odbora i svih njegovih organa/komisija, te se po potrebi vrši zamjena članova koji ne rade kvalitetno svoj posao.

Vanrednu Skupštinu saziva Predsjednik Skupštine na prijedlog Upravnog odbora Udruženja ili na zahtjev 1/3 (jednetrećine) članova Skupštine. Vanredna Skupština se saziva u roku od 15 (petnaest) dana, a prije sazivanja iste, predlagač je obavezan da uz poziv za vanrednu sjednicu dostavi i dnevni red sa pisanim materijalom.

Skupština donosi Poslovnik o radu Skupštine.

Poslovníkom se bliže uređuju pitanja unutrašnje organizacije i rada Skupštine, uvjeti za rad Skupštine, postupak donošenja odluka i drugih općih akata, način glasanja o pojedinim pitanjima od značaja za funkcionisanje Skupštine.

Član 19.

Skupština ima slijedeća prava i odgovornosti :

- **usvaja Statut Udruženja i Poslovnik o radu Skupštine;**
- **daje saglasnost na pravne radnje poduzete u postupku osnivanja Udruženja;**
- **usvaja izvještaje o radu Upravnog odbora i drugih tijela Udruženja;**
- **imenuje i razrješava dužnosti predsjednika i potpredsjednika Udruženja;**
- **imenuje i razrješava dužnosti članove Upravnog odbora Udruženja;**
- **postavlja odnosno imenuje i razrješava dužnosti sekretara Udruženja;**
- **odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama Udruženja;**
- **odlučuje o svim pitanjima koja nisu u nadležnosti nekog drugog organa.**

Član 20.

Finansijski izvještaj i izvještaj o radu usvaja Skupština na prijedlog Upravnog odbora početkom svake kalendarske godine, zaključno sa krajem februara.

Član 21.

Odluku o udruživanju u saveze, pripajanju, razdvajanju i transformaciji donosi Skupština na prijedlog Upravnog odbora. Inicijativu može pokrenuti 1/3 (jedna trećina) članova Udruženja. Odluke se donose na Skupštini na kojoj mora biti prisutno najmanje 2/3 (dvijetrećine) delegata, a odluke se donose natpolovičnom većinom prisutnih delegata.

Član 22.

Skupština ima predsjednika i potpredsjednika koji se biraju iz redova delegata-članova Skupštine, a isti ujedno ne može biti iz reda članova Upravnog odbora. Mandat predsjednika traje 2 (dvije) godine, a njihov izbor se vrši javnim glasanjem.

Radom Skupštine rukovodi predsjednik/potpredsjednik Skupštine.

Skupština redovno imenuje i zapisničara i ovjerivača zapisnika.

Predsjednik Skupštine:

- stara se o organizovanju i radu Skupštine i saziva njene sjednice;
- priprema materijal za njene sjednice,
- predlaže dnevni red sjednice;
- predsjedava sjednicama Skupštine;
- potpisuje akte donesene na Skupštini;
- stara se o izvršenju odluka, zaključaka i drugih akata Skupštine;
- koordinira rad organa i tijela Skupštine;
- vrši i druge poslove koje mu odredi Skupština u skladu sa Zakonom i ovim Statutom.

Predsjednik Skupštine može biti razrješen i prije isteka mandata i to::

- na sopstveni zahtjev;
- ako ne prisustvuje sjednici Skupštine tri puta uzastopno bez opravdanih razloga;
- ako svojim radnjama u vezi sa radom predsjednika ruši ugled Udruženja, i
- drugim slučajevima predviđenim Zakonom, ovim Statutom i aktima Udruženja.

U slučaju opravdane spriječenosti Predsjednika Skupštine, privremeni Predsjednik Skupštine se bira iz reda delegata Skupštine.

UPRAVNI ODBOR UDRUŽENJA

Član 23.

Upravni odbor je izvršni organ Udruženja koji obavlja sve izvršne funkcije. Rad Upravnog odbora je javan, a obavještenje o radu vrši se putem pisanih izvještaja. Udruženje kao pravno tijelo zastupa predsjednik.

Član 24.

Upravni odbor broji 5 (pet) članova , a sastoji se od predsjednika, potpredsjednika i 3 člana iz reda Skupštine . Predsjednika, potpredsjednika i članove Upravnog odbora predlaže Skupština sudija i komesara, a isti se biraju na Skupštini tajnim glasanjem. Ukoliko pri glasanju dođe do nesuglasica, predsjednik Skupštine ima pravo da zatraži javno glasanje. Prilikom izbora za članove Upravnog odbora treba da se izaberu članovi moralnih kvaliteta , članovi koji ispunjavaju sve svoje obaveze prema organizaciji i koji se u svom djelovanju drže strogo kodeksa o ponašanju i isti se biraju iz redova delegata Skupštine . Sekretara Udruženja biraju članovi Skupštine javnim glasanjem. Sjednicama Skupštine i Upravnog odbora prisustvuje sekretar Udruženja, ali bez prava glasanja.

Član 25.

Upravni odbor ima slijedeća prava i dužnosti :

- priprema i predlaže nacrt izmjena Statuta i drugih akata Udruženja koje donosi Skupština;**
- donosi Poslovnik o radu Upravnog odbora i njegovih organa;**
- donosi akta iz nadležnosti Upravnog odbora;**
- predlaže programe razvoja i unapređenja sudijskog kadra;**
- usvaja program rada i izvještaje o radu organa Upravnog odbora;**
- podnosi finansijski plan i godišnji obračun prihoda i rashoda Udruženja;**
- utvrđuje liste sudija i komesara za takmičenje i predlaže ih na usvajanje košarkaškom savezu;**
- provodi zaključke i odluke koje je donijela Skupština;**
- verificira sastav stalnih komisija;**
- Upravlja imovinom Udruženja.**

PREDSJEDNIK UPRAVNOG ODBORA (ujedno i Predsjednik Udruženja)

Član 26.

Predsjednik Upravnog odbora je istovremeno i Predsjednik Udruženja koje bira i razrješava Skupština na mandatni period od dvije godine, sa mogućnošću reizbora.

Predsjednik Udruženja je za svoj rad odgovoran Skupštini.

Predsjednik Udruženja može biti opozvan i prije isteka vremena na koji je izabran i to:

- **na sopstveni zahtjev;**
- **ako ne obavlja pravilno poslove predsjednika Udruženja,**
- **ako svojim radnjama nanosi i ruši ugled Udruženja, i**
- **drugim slučajevima predviđenim Zakonom, ovim Statutom i aktima Udruženja.**

Član 27.

Predsjednik Udruženja:

- **zastupa i predstavlja Udruženje u pravnom prometu;**
- **rukovodi radom Udruženja i organizira njegov rad;**
- **odgovoran je za zakonitost rada Udruženja;**
- **odlučuje o upotrebi sredstava za realizaciju ciljeva Udruženja;**
- **naredbodavac je u izvršenju finansijskog plana;**
- **stara se o izvršenju odluka, zadataka i zaključaka Skupštine;**
- **nastupa u ime Udruženja u odnosima sa trećim licima;**
- **donosi odluke o finansijskim isplatama na teret Udruženja;**
- **podnosi izvještaj o radu Skupštini;**
- **priprema i predlaže nacrt budžeta za rad Udruženja, Upravnog odbora i Skupštine;**
- **stara se o pravilnom korištenju imovine Udruženja, o urednom obavljanju materijalo finansijskog poslovanja, zakonitom i blagovremenom vršenju stručnih i administrativnih poslova;**
- **koordinira rad organa i tijela i donose odluke o pitanjima o radu Udruženja, osim onih koji su u isključivoj nadležnosti Skupštine i Upravnog odbora;**
- **obavlja i druge poslove koje mu je povjerila Skupština.**

U slučaju odsustva Predsjednika, Potpredsjednik preuzima sve njegove dužnosti.

STALNE KOMISIJE

Član 28.

Upravni odbor u okviru svoje djelatnosti može da obrazuje svoje stalne komisije i pravna tijela u cilju što efikasnijeg rada Udruženja.

Stalne komisije :

- Komisija za sudije i sudijska pitanja**
- Finansijsko materijalna komisija**

Po potrebi se mogu formirati i dodatne komisije na zahtjev Upravnog odbora. U okviru ove grupe Upravni odbor će izvršiti izbor i verifikaciju istih.

Član 29.

Stalne komisije Upravnog odbora čine do 5 (pet) članova, kao i Komisija za sudije i sudijska pitanja koja broji do 5 (pet) članova i koju na prijedlog Upravnog odbora verifikuje KSKS.

Mandat svih komisija traje 2 (dvije) godine sa mogućnošću ponovnog izbora, a njihova prava i obaveze regulisane su Pravilnikom o radu stalnih komisija Udruženja.

Član 30.

Komisije odlučuju većinom glasova prisutnih članova, a članove istih predlaže Upravni odbor, te vrši njihovu verifikaciju.

URED I DRUGI ORGANIZACIONI OBLICI

Član 31.

Radi realizacije programskih ciljeva i djelatnosti Udruženja, izvan sjedišta Udruženja mogu se formirati uredi, klubovi i drugi organizacioni oblici na cijelom području Kantona Sarajevo i šire u skladu sa Zakonom.

Odluku o otvaranju ureda, klubova i drugih organizacionih oblika donosi Skupština, kojom se utvrđuje naziv, sjedište, djelatnost i druga prava i obaveze za njihov rad.

Organizacioni oblici iz stava 1. ovog člana nemaju svojstvo pravnog lica.
STRUČNA SLUŽBA UDRUŽENJA I GENERALNI SEKRETAR

Član 32.

Radi obavljanja administrativnih, stručnih, materijalno-finansijskih i drugih poslova, u Udruženju se može obrazovati stručna služba.

Obavljanje poslova i radnih zadataka u okviru stručne službe, biće potpunije uređeno odgovarajućim Pravilnikom, kojeg donosi Predsjednik Udruženja .

Udruženje ima sekretara. Sekretara imenuje Skupština udruženja.

Sekretar Udruženja je nadležan za obavljanje stručno-administrativnih poslova u Udruženju.

Sekretar:

- izvršava odluke i zaključke Skupštine i Upravnog odbora Udruženja koje mu povjeri Predsjednik Udruženja;
- priprema i izvršava sve poslove i neposredne zadatke vezane za rad Skupštine i Upravnog odbora Udruženja po nalogu Predsjednika Udruženja;
- ostvaruje saradnju sa organima košarkaške organizacije, KSKS I KSBIH i drugih organizacija po potrebi;
- prema ovlaštenju Predsjednika Udruženja zastupa Udruženje;
- upozorava organe Udruženja na nezakonite radnje ukoliko iste nisu u zakonskim okvirima;
- sačinjava i vodi zapisnike Skupštine, Upravnog odbora, te informiše članstvo o aktivnostima i događajima bitnim za rad Udruženja;
- Vršiti i sve druge poslove i zadatke od interesa za rad Udruženja.

OSTVARIVANJE JAVNOSTI RADA UDRUŽENJA

Član 33.

Rad Udruženja i organa Udruženja je javan. Lice odgovorno za obezbjeđenje javnosti i transparentnosti rada Udruženja je Predsjednik Udruženja.

Javnost rada ostvaruje se redovitim obavještanjem članova Udruženja i šire javnosti o radu Udruženja i organa Udruženja. Obavještanje se vrši internim glasilom Udruženja, putem Internet prezentacije Udruženja ili objavom odluka u medijima.

Javnost se može isključiti sa sjednice organa Udruženja zbog zaštite ličnih podataka članova Udruženja, zbog zaštite lične ili poslovne tajne ili ako to zahtjeva ostvarenje Statutom utvrđenih ciljeva obavljanjem djelatnosti Udruženja.

PREDSTAVLJANJE I ZASTUPANJE UDRUŽENJA

Član 34.

Udruženje u pravnom prometu s trećim licima predstavlja i zastupa predsjednik Udruženja. Lice za zastupanje i predstavljanje imenuje Skupština Udruženja na mandatni period od dvije godine sa pravom reizbora.

XI –PEČAT, ŠTAMBILJ I ZNAK UDRUŽENJA

Član 35.

Udruženje ima svoj pečat i štambilj.

Pečat Udruženja je okruglog oblika, prečnika 3,0 cm, sa natpisom na vanjskim ivicama kruga i sljedećeg sadržaja: „Udruženje košarkaških sudija i komesara“, a u sredini je upisan skraćeni naziv UKSK sa upisanim sjedištem Sarajevo, napisan latinicom.

Štambilj Udruženja je pravougaonog oblika sa nazivom Udruženja, brojem protokola i datumom.

Znak Udruženja predstavlja lopta koja se nalazi iznad koša sa natpisom

„Udruženje košarkaških sudija i komesara“.

TRAJANJE I PRESTANAK RADA UDRUŽENJA

Član 36.

Udruženje će trajati sve dok za to budu postojali zakonski uslovi ili dok Skupština ne donese odluku o prestanku rada Udruženja.

Član 37.

Udruženje može prestati sa radom dobrovoljno ili po sili zakona.

Odluku o dobrovoljnom prestanku rada Udruženja donosi Skupština dvotrećinskom većinom svih članova Udruženja.

Inicijativu za prestanak rada Udruženja može dati jedna trećina članova Udruženja ili Upravni odbor, u slučaju:

- ako je proteklo dvostruko više vremena od vremena utvrđenog Statutom Udruženja za održavanje Skupštine, a Skupština nije održana,**
- ako se broj članova Udruženja smanji ispod broja tri.**
- u drugim slučajevima utvrđenim Zakonom.**

Inicijativa se podnosi predsjedniku Udruženja koji priprema materijal za Skupštinu.

USLOVI I POSTUPAK ZA PRIPAJANJE, RAZDVAJANJE I TRANSFORMACIJU ILI RASPUŠTANJE, ODNOSNO PRESTANAK RADA UDRUŽENJA, UKLJUČUJUĆI I BILO KAKAV POSEBAN KVORUM ILI PRAVILA ZA POSTIZANJE KVALIFIKOVANE VEĆINE U POSTUPKU GLASANJA

Član 38.

Udruženje se može spojiti, razdvojiti ili transformisati u drugo udruženje u skladu sa Zakonom.

Odluku iz prethodnog stava donosi Skupština dvotrećinskom većinom svih članova Udruženja.

Ovom odlukom reguliše se naročito: naziv i sjedište te podjela imovine, prava i obaveze, kao i druga pitanja koja se odnose na statusne promjene Udruženja.

PRIHODI UDRUŽENJA

Član 39.

Prihodi Udruženja su:

- članarina
- prihodi po osnovu sponzorstva, priloga i poklona fizičkih i pravnih lica, kako stranih tako i domaćih u gotovini, uslugama ili imovini bilo koje vrste;
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda;
- prihod stečen vlastitim djelovanjem kroz ostvarivanje ciljeva i aktivnosti Udruženja, kako je to određeno ovim Statutom;
- iz dijela dobiti koju ostvare pravna lica ili subjekti čiji je osnivač Udruženje;
- iz drugih zakonom dozvoljenih izvora.

PRAVILA ZA OSTVARIVANJE, KORIŠTENJE I RASPOLAGANJE SREDSTVIMA UDRUŽENJA, KAO I ORGAN KOJI JE OVLAŠTEN ZA NADZOR NAD KORIŠTENJEM TIH SREDSTAVA

Član 40.

Ostvarivanje, korišćenje i raspolaganje sredstvima Udruženja utvrđuje se finansijskim planom (sa pripadajućim prihodima, aktivnostima i utvrđenim prioritetima), kojeg donosi Skupština, na prijedlog predsjednika Udruženja.

O upotrebi (korišćenju) sredstava, u skladu sa finansijskim planom, odlučuje Upravni odbor.

Član 41.

Udruženje djeluje po načelima neprofitabilne organizacije, a eventualnu dobit usmjerava isključivo za proširenje svojih kapaciteta i djelatnosti radi ostvarivanja programskih ciljeva.

Udruženje je dužno upravljati imovinom udruženja sa pažnjom dobrog domaćina, na odgovoran i zakonit način i u najboljem interesu članova Udruženja. Nadzor nad korištenjem sredstava Udruženja vrši Skupština.

Skupština je nadležna za kontrolu svih dokumenata, koji se odnose na finansijsko poslovanje, posebno periodičnih, polugodišnjeg i završnog finansijskog izvještaja.

Dokumenta iz prethodnog stava Skupština razmatra na redovnoj godišnjoj, a po potrebi na vanrednoj sjednici Skupštine.

PRAVILA ZA RASPODJELU PREOSTALE IMOVINE U SLUČAJU PRESTANKA RADA UDRUŽENJA

Član 42.

Istovremeno sa odlukom o prestanku rada Udruženja Skupština donosi plan likvidacije Udruženja, kojim se utvrđuje raspored imovine, prava i obaveze Udruženja.

Skupština imenuje likvidatora Udruženja čija dužnost je da se stara o izvršenju plana likvidacije i koji je ovlašten da zastupa Udruženje u postupku likvidacije i u postupku podnošenja zahtjeva za prijavu prestanka rada Udruženja nadležnim organima.

Imovina kod prestanka rada Udruženja, nakon izmirenja svih zakonskih obaveza, dodijelit će se nekom drugom udruženju koje obavlja iste ili slične djelatnosti, a na osnovu odluke Skupštine.

POSTUPAK ZA DONOŠENJE STATUTA, IZMJENA I DOPUNA STATUTA I DRUGIH OPŠTIH AKTA UDRUŽENJA

Član 43.

Osnovni opšti akt Udruženja je Statut Udruženja.

Udruženje može donositi i druge opšte akte: pravilnike, odluke i poslovnike.

Opšti akti moraju biti saglasni Zakonu i Statutu Udruženja.

Pojedinačni akti su odluke, rješenja, zaključci, uputstva i mišljenja.

Član 44.

Na sastancima organa upravljanja i njegovim komisijama - odborima obavezno se sačinjavaju zapisnici.

Zapisnici moraju biti istiniti i moraju odražavati tok rada sastanka i sadržavati odluke koje su donijeli organi upravljanja na svojim sjednicama.

Zapisnici moraju biti potpisani, od strane zapisničara i Predsjednika UO.

Inicijativu za izmjene i dopune Statuta može podnijeti svaki član Udruženja.

Inicijativa se podnosi Upravnom odboru, pismenim putem i sa odgovarajućim obrazloženjem

Utvrđeni prijedlog dostavlja se Skupštini, najmanje 30 dana prije dana održavanja sjednice skupštine.

Član 45.

Donošenje Statuta, izmjena i dopuna Statuta i drugih općih akata vrše se na osnovu prijedloga Upravnog odbora. Inicijativu može pokrenuti 1/3 (jedna trećina) članova Udruženja. Odluke se donose na Skupštini na kojoj mora biti prisutno najmanje 2/3 (dvijetrećine) delegata, a donose se natpolovičnom većinom delegata.

Predsjednik Skupštine potpisuje odluku o izmjenama i dopunama Statuta koji se smatraju originalima i čuvaju u arhivi Udruženja.

POSEBNE ODREDBE

Član 46.

Udruženje može u okviru svoje djelatnosti i programskih ciljeva osnivati subjekte za privredne i druge djelatnosti pod uvjetima utvrđenim zakonom i ovim Statutom. Odluku iz prethodnog stava donosi Skupština Udruženja na prijedlog Upravnog odbora.

Član 47.

Udruženje za svoje obaveze odgovara cjelokupnom svojom imovinom.

Član 48.

Udruženje može saradjevati sa drugim udruženjima.

Udruženje može sklapati sporazume o zajedničkom radu sa međunarodnim udruženjima ako djelatnost tih udruženja nije u suprotnosti sa Ustavom i zakonom.

Odluku o ućlanjenju i udruživanju u smislu stava 1. i 2. ovog člana donosi Skupština na obrazložen prijedlog Predsjednika Udruženja.

PRELAZNE I ZAVRŠNE ODREDBE

Član 49.

Tumačenje odredaba ovog Statuta daje skupština Udruženja.

Član 50.

Ovaj Statut stupa na snagu danom donošenja, a primjenjivaće se od dana upisa u Registar kod nadležnog ministarstva.

Broj: 01/18

U Sarajevu 27.11.2018.godine

Predsjednik Skupštine